



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 104. Epistola Sultani Ægypti ad Regem Daniæ

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1444.

§. CIII.

*Suffolciæ comes nomine Regis Angliæ
Filiæ Regis Siciliæ despon-
satus.*

Eadem tempestate Suffolciæ Comes Nan-
cæum venit, nomine Regis Angliæ
Margaritam Regis Siciliæ Filiam despon-
saturus, quod connubium in Turonensi
conventu prius pactum ingenti jam pom-
pa celebratum fuerat.

§. CIV.

*Epistola Sultani Ægypti ad Regem
Daniæ.*

Spond. ad
an. 1444. n. 24

Isaccus Pontanus in sua Historia rerum
Danicarum refert, Christophoro Daniæ
Regi a Sultano Ægypti seu Babylonæ
Filiam fuisse in conjugem oblatam, datis
hac super re literis, quæ ingenti titulo-
rum, ac laudum copia, qua hanc Princi-
pissam celebrabat, confertæ erant. Me-
minit Sultanus se Regi misisse munera,
nimirum vas aureum puro balsamo ple-
num; Inter alia hæc scribit: *Miramur,
& quod obedis magno Sacerdoti Roma-
norum, cum etiam Dii nostri tibi prospe-
ritates faveant. Eapropter scias in brevi
nos te visitare. Datum Babylone super
Nilum &c.* Hanc epistolam fuisse confi-
ctam,

etiam, tot produnt indicia, ut merito ejus fides in dubium vocari queat, præcipue, cum omnes Historici alto silentio oblatas hæc Sultani nuptias prætereant, & unanimi voce testentur, quod Christophorus Daniæ Rex anno millesimo quadringentesimo quadragesimo quinto uxorem duxerit Dorotheam Marchionis Brandenburgensis Filiam.

Sæcul. XV.
A. C. 1444.

§. CV.

Ladislaus, puer adhuc quinquennis Rex Hungariæ proclamatus.

Rege Ladislao in Varnensi clade extincto, orta est magna dissensio in Hungariæ, & Poloniæ Regnis, propter successoris electionem. Ac primo quidem Hungari, qui nuper Ladislaum puerum Alberti, & Elisabethæ Filium post Parentis sui obitum repudiaverant, nunc cum in eis pristinus erga postremum Regem suum affectus resuscitaretur, & a plurius ad hanc coronam adspirantium ambitionem refrænari vellent, juvenem hunc Principem ad regnum revocarunt, qui, quamvis necdum quintum ætatis suæ annum emensus fuisset, tamen maximæ spei, & optimi Regis indicia præseferbat. Cum vero imbecillitate præpeditus, solus tanto regno administrando impar esset, nec populum, a

Thuvos. cap.

44. Et 45.

Bonfin.

3. Dec. 7.

Dubrav.

l. 28.